



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita Reverendi Patris Vincentii Carafæ, Septimi Societatis  
Jesu Generalis**

**Bartoli, Daniello**

**Leodii, 1655**

Cap. XI. Vincentii orandi studium, & intima cum Deo familiaritas.

**urn:nbn:de:hbz:466:1-42928**

nihil gratus homo Religiosus offerre Deo  
possit.

## C A P U T XI.

*Vincentii orandi studium, & in-  
tima cum Deo familiaritas.*

De  
genera-  
tum

**A**LTER divinæ caritatis vel partus vel etiam parens est, Dei divinorumque contemplatio. Quippe proposita menti cœlestium rerum præstantia & venustas, terrenarum nauseam facile creat, & animo jam vacuo depulsisque humanis desideriis, Dei capaciori haud ægrè Deum penitus indit: & insuper accessam à Deo, velut propinquo igne, amoris flammarum fovere nata est. Porro ipsa Vincentii infantia non obscura dedit argumenta non vulgaris illius olim in hac orandi arte progressus. Ut enim ignis quantumvis exiguus, ut primùm vivit, in cælum aspirat nec umquam deorsum sponte tendit: sic ipse, ubi rationis compos Deo vivere potuit, amoris igne incitatus, sursum in illum ferri sensit. Ita nullo nisi S. Spiritus magisterio didicit

didicit subducere se domesticorum oculis, & in aliquem paterni palatii angulum abdere, precibus amoreque divino liberius ut indulgeret. Et erat tanta precantis voluptas, ut horæ integræ, momenti instar fluere illi viderentur, velut à sensuum usu abstracto: adeo ut non nisi vi à precando posset avelli: Quæ quidem prærogativa tenellæ ætatis, non nisi letissimis animis evenit, quibus vitæ initium, osculum est cœlestis Sponsi, id est, intima dulcissimaque cum eo familiaritas, in cordis, ut mystici aiunt, loquace silentio. Exinde cum Vincentius Dei domum, id est religiosam familiam, ingressus est, continuo assidue contemplationis usu, ad eum hujus apicem pervenit, ut de Patrum veterum more, eam vocataret *otium in negotio*: vel contrà: *negotium in otio*. Quo loquendi modo indicatur mentem mediis etiam in negotiis divina quadam quiete perfungi. neque verò infirma corporis illius constitutio quietem illam ullo modo interturbavit. Nec enim sivit Providentia Numinis, ut voluntariis pœnis ejus causâ susceptis depravata valetudo, ejusdem amorem interpellaret.

terpellaret. Itaque æger æquè, ac valens emicabat erecta mente in Deum, velut solitus corporis vinculo: nec doloribus hujus vitæ retinebatur; qui longè plus liquidissimæ voluptatis in illo nancisebatur. Quamobrem dicere consueverat, *Carnem suam nec sibi prodeesse sanam, nec agram obesse.* Et verò dum morbo aliquo laborabat, frequenter in oratione inventus est genibus nitens, tanta firmitate, ut inde abducendo opus esset eum concutere. Adeo non eget corporis robore, quem divina vis amórumque, in Deum rapit.

Contē-  
plandi  
studiū

Et quoniam S. Spiritus dona, atque ut loquitur Christus, talenta inertiam accipientium fugiunt; hoc ipsum contemplationis sedulò Vincentius exercuit. Ita summo mane (nam cæteris ocyùs è strato se proripiebat ut detractum somno tempus consecraret Deo) rebus divinis commentandis se dabat, & præscriptum communiter omnibus horæ tempus protrahebat longius. Interdiu autem, licet orationis spatium negotiorum multitudini gravitatique admetiretur, numquam tamén brevius pluribus horis illi impendebat,

debat, vel in conclavi, vel in secretiore  
ædium parte, vel coram SS. Eucharistia  
Sacramento. Missa porrò illi adjunctis  
præparatione & gratiarum actione, non  
minùs sesquihora durabat. Imò cùm no-  
strorum tirocinium regeret, illam ad duas  
trésve horas producere erat solitus: quo  
tempore ferventioribus Novitiis ad sa-  
crum ministerium utebatur, nempe ne  
sui, Christique tam ardens holocaustum  
ministri tepor, tœdiūmque violaret. Ce-  
terū diei residuum tam alieno à rebus  
humanis erat animo, ut non rarò sen-  
suum operâ destitueretur: præsentia &  
ante se posita, nec visu nec auditu per-  
cipiens. Et quamquam ut plurimum eas cōtem-  
platio-  
nis ma-  
teria  
cogitationes volveret, quas Spiritus San-  
ctus pro re ac tempore menti adspirabat:  
tamen ne bonarum materia umquam de-  
ffet, eam apparabat. Triplex autem erat,  
litteris tribus ad faciliorem recordatio-  
nem distincta. Prima nigra noxas, altera  
rubra Christi cruciatus ac cruentam mor-  
tem, tertia alba gloriam cælestem signa-  
bat. Ad hæc, aspirationes ad Deum, &  
veluti subitæ flammæ animi desiderium  
illius ægrè ferentis, erat illi familiarissimæ

ac

Sacrarū  
aspira-  
tionum  
frequē-  
tia,

Et ar-  
dor

Et va-  
rietas

ac frequentissimæ. Quondam recitatum fuit super mensam , aliquem è Nostris plura millia ejusmodi aspirationum in singulos dies, stimulante præsertim amore emittere solitum. post mensam cùm mentio tantæ contentionis animi , tanti que numeri fieret , & quispiam admirationem utriusque præ se ferret ! hanc ipsam admirationem Vincentius demiratus est , quod censeret quemque nihilo minus hoc in genere præstare. Quam obrem adjecit se quidem , licet omnium ignavissimum , numerum hunc crebro prætergressum. Et tamen (ut annotavi in ejus adversariis ) non alia erant ejus vota , quām purissimæ ardentissimæque charitatis , O ! aiebat , *conflagrem* , ð liquefiam Dei mei amore ! O utinam moriar præ Domini mei JESU amore ! O anime mi , quis te adeo beatum efficiat , ut confessim ex hac erumosa vita , aut morte potius , evoles in celum , in Deum , ut eum clare intueris . D<sup>r</sup> tantum adames , quantum anima corpore soluta ! corpore heu ! quod amori huic nostro tantopere officit ! Hæc & alia tamquam amoris spicula ex intimo corde evibrabat in cor Dei , & sui mutuo amore illud

illud sauciabat. Præterea singulis horæ quadrantibus hanc medullitùs recitabat precem. *Gratias Deo d' Beatae Virgini, pro dono perseverantiae mihi indignissimo peccatori usque ad hoc instans concessio. Sic ero in posterum usque ad finem perfectum; per sanguinem IESU Christi d' per Matrem Virginem mihi gratia concedatur.*

*Amen.* Quin etiam quando per urbem negotii officiique gratiâ ingrediebatur, nonnulla evolvebat rosariola, quæ ipsius pietas invenerat: quorum unum ad laudem SS. Trinitatis, alterum ad Immaculatæ MARIAE, tertium ad SS. Angelorum opem implorandam referebatur: quæ quidem, & ejusmodi alia, voce ut plurimum recitabat; interpositis tamen subinde precibus sola mente conceptis. Denique cùm ad januam Domus aut Collegii vocatus ibat, apposítâ isti viæ ad mensaque precatiunculâ attinebat animum; ne vir divinus vestigium ullum momentū mye temporis sine Dei amore abire sineret. Quippe cælesti animæ, ut Deus vitæ, sic illius amor caloris vitalis instar est. Quemadmodum igitur corpus non magis calore isto, quām anima carere potest:

potest: ita nec anima ejusmodi vacare  
Dei amore.

Conte-  
platio-  
nis ejus  
suavitas

Solet autem amori comes esse gau-  
dium, eo, quem ames, præsente: cum  
igitur contemplatio Deum, quantum  
mortalitas hæc capere potest, præsen-  
tem animæ sistat, & propterea quandam  
illi afferat beatitudinem; videndum nunc  
porrò quanta in Vincentii pectus gaudia  
inde manarint. Quamquam enim recon-  
di consueverint ac suppressi in animi pe-  
netralibus, nec satis capi, nisi ab expertis;  
tamen etiam invito exundavere subinde  
torrentis instar extra mentis alveum, fo-  
rasque eruperunt: ut possent utcumque  
à nobis cognosci. Solitus erat plus semel  
in singulos annos ànimum de more exer-  
cere S. P. N. Ignatii sacris commentatio-  
nibus, quibus in synopsim à se redactis  
non pauca de suo adjunxerat. Quamdiu  
autem Novitiorum curam gessit, publi-  
co id temporis prorsus abstinebat, ordina-  
tisque nocte munera sui rebus, primo  
diluculo secedebat in sacellum, intra mu-  
ros quidem tirocinii, sed seorsim à turbâ  
atque ad pedem montis situm: neque  
hinc ante vesperam abscedebat. Porrò

in

in illius ingressu perinde, ac si ex Orbe terrarum exiret; sic agebat; seque compellans, *Euge, inquit, anime, dum hic eris, nulla te alia cogitatio occupet, quam tui,* *Deique nulla res saeculi, nulla ex conditis orantem interpellat.* Tum verò erecto animo fortique ad omnia quæ suggereret Deus, amplectenda, *Ecce adsum, inquietabat:* & exemplò divinis immergebat se. Quaterque intra diem non ad clepsydræ horariæ fluxum, sed pro spatio, quo vis & impulsio divina ejus animum agebat, inhærebat contemplationi: cuius ut naturam exprimeret, modò eam in suis ephemeridibus, vocat *actionem passivam*, modò *passionem activam*, qui gradus in eo genere supremi sunt. Erat autem tanta copia cælitùs effusæ in illius penetralia suavitatis, ut raptus extra se animus, nihil nisi Deum sentiret, & elapsa hora momentum temporis, imò elapsis decem exercitorum diebus, vix momentum fluxisse illi videretur. Certè fassus est candidè, quando à congressu cum Deo ad cibum somnūmque capiendum, atque ad hujusmodi naturæ humanitatisque munia descendere opus ha-

Dd                   bebat

bebat, planè sensum capere Sponsæ in Epithalamio suo sic canentis. *Si invene-  
ritis dilectum meum, nuntietis ei, quia  
amore langueo.* Enimverò transitum hunc morti molestiâ parem videri, & posse esse lethalem, qualis foret illius, qui è cælo in tristissimam solitudinem perturbatus esset. Ex quo cuique cognoscere licet, quanta & quām inusitata vis esset divinæ dulcedinis: cùm adeo grave foret ab ea se subducere, etiam ad necessariam ex cibo somnóque voluptatem. Non rarò evénit, ut orationis tempore egressus è cubiculo, ad assignanda tironibus exercitia, usque adeo inflammatus appareret dulcissimâ illâ amoris flammâ, ut è fornace ardenti, aut ex incendio venire videtur. Quod si quis eodem tempore illum adiret negotiorum causâ, non sufficiebat compellare, ut aurem animûmve ad dicenda adverteret, aut strepitum edere: trahendus enimverò & agitandus erat; neque tum tamen omnino sibi præsens, aut iis quæ proponebantur satis intentus, frontem manu perfricabat, ut mens à rebus deliciisque cælestibus tandem avulsa; humanis attendere posset. Affue-  
bant

bant porrò hujusmodi deliciæ præsertim  
Missæ tempore, maximèque sub conse-  
crationem ac synaxim, quippe inter am-  
plexus, & sacras nuptias animæ cum  
Sponso & in corpus & in animam Vin-  
centii suavissimè, intimèque se immer-  
gente. Et censuere periti rerum ejusno-  
di, cordatique viri, extra controversiam  
esse, visum quandoque perspectumque  
Vincentio in SS. Eucharistia, longè ami-  
plius, modòque sublimiore, quam huma-  
nitus possit perspici. Constat profectò  
totum illius os tunc temporis ardere so-  
litum, suspiriaque, & lacrimas velut ag-  
gere rupto, quem humilitas lucem fugi-  
tans illis opposuerat, maximâ copiâ in-  
terdum erupisse. Non sine vi ab altari se  
abstrahebat; & quoniam tanta esse non  
poterat, ut præscriptum sacrificio dimi-  
diatæ horæ spatium pietas non excede-  
ret, illud subinde in privato ac domesti-  
co facello faciebat, ut liberiùs diutiusque  
divinis impulsibus se posset permettere.  
Neque se domi, aut cōstituto orationi aut  
Missæ tempore, divina suavitas continuit.  
In celebri illa ac septimestri salutis ani-  
marum procuratione ( missio nostris di-

Missæ  
præser-  
tim té-  
pore

D d 2 citur)

citur) quam R. Pater Bernardus de Ponte,  
 vir navus, & tota Neapoli clarus, in se-  
 ptem primariis urbis templis D. Virginis  
 sacris instituit (attributis in singula sin-  
 gulis mensibus:) singulorum in exitu fre-  
 quentissima supplicatione deferebatur  
 divina Hostia, & cum illa Sacerdos po-  
 pulo bene precabatur: itaque missione ad  
 istam ædem finis imponebatur. Porro  
 Vincentius ejusmodi sacrarum velitatio-  
 num, semper dum licebat, aut author, aut  
 adjutor supplicationis unius non mini-  
 ma pars fuit. Präibat reliquis crassa chla-  
 mide ligneoque Christi è cruce penden-  
 tis, pariterque prægravi simulacro onu-  
 stus per summos æstatis ardores. Sudore  
 diffuebant ceteri, ipse velut tempestate  
 verna, aut etiam hyemali, Deo, quo ple-  
 nus erat, cælesti rore corpus unà cum  
 animo perfundente, alacriter expedité-  
 que incedebat. ut autem constaret con-  
 stitutioni illius frigidæ temperiem illam  
 non esse ullatenus adscribendam, suppli-  
 catione finita, diéque in vesperam incli-  
 natâ, dum jam signo illo ligneo exone-  
 ratus domum redit, adeo incaluit, ut  
 omnino contra morem suum madentia  
 sudore

sudore lintea mutare coactus sit. Quasi vellet simul indicare Providentia Numinis, viro illi sancto crucem esse levem, & laboriosam quietem. Et revera gravis esse non potest ulla crux homini, qui cælesti effertur lætitiam: nec facilis quies illi, qui Spiritu divino ac vehementi afflatur.

Cæterum non animum tantum, sed & Vincentii corpus vis contemplationis cælestisque lætitiae supra terram extulit, di-vino lumine coruscum. Administrabat rem Collegii Neapolitani; cum Janitor domesticus statim ab oratione matutina conclave illius ingressus est, quidpiam significaturus; sed cælesti luce ex toto illius adhuc orantis ore perstrictus (sic ut eam ferre nequiret) & sacro horrore percussus (ut in hujusmodi subitis casibus accidit) nec fatus verbum, retulit illico pedem. Alias cum Tirocinio præcesset, Excitatori matutino, cellam ejus subeunti ut à somno expergefaceret, apparuit positis in medio cubiculo genibus, & undique radiis fulgidus, ut divinore somno implicitum esse constaret. Eodem corporis habitu mentisque, visus est alteri  
 Dd 3 mane,

Conte-platio-nis ejus  
dē pro-digia

Lux cæ-lestis

mane, antequam diluxisset, cum negotii causâ post consuetum orationis tempus adeunti. Qui cùm pulsatis aliquoties foribus nihil respósi audiret, eas cum impetu aperuit, Vincentiumque deprehendit contemplationi adhuc intentum, cā luminis superni copiâ, quæ totum cubiculum impleret. Igitur ne inturbaret, discessit re infectâ. Tum rediit post horam, & alloquio opportunum invenit. exinde subodoratus Vincentius se ab ipso in illa cælesti luce observatum, vesperi ad se redire jussò frequenter inculcavit, omnino vetare se, si quid ab eo insueti animadversum in orante fuerit, mortaliū ulli indicari. Sed difficile erat rimas omnes obstruere, ne tanta lux patteret. Nec minus illustria fuêre Vincen-  
tii à terrâ divinitùs eminentis spectacula. Inter lustranda Apuliæ Collegia, Baren-  
se inspiciens, intellexit ex eo, penes quem cura erat Nostros mane divina meditan-  
tes de Societatis more recognoscendi, munus hoc non quolibet die, sed subinde tantùm per hebdomadem obiri. Cui Vincentius, *Tu vero, ait, singulis postmo-  
dum diebus singulos recognosce, atque à  
meipso*

Subli-  
mitas  
orantis  
à terrâ

meipso Rectoréque inspectionem ordire. Fe-  
cit ille imperata: & à Vincentio orsus  
suspensum in aëre vi divinâ, sublimémque  
duabus à terra palmis invénit. Quæren-  
tique paulo post, num dicto audiens  
fuisset, Omnino, inquit, *D*ic iucundum in  
*Reverentia Vestra vidi spectaculum. Er-*  
*góne me inspexisti,* retulit Vincentius: &  
ipse, *Candidè*, ait, *parui.* Tum Pater in-  
credibili pudore perfusus, *Atqui, subje-*  
*cit, prohibeo peccati pœnâ, ne cui, me vivo,*  
*quod in me spectasti, aperias.* Ita ipse, cui  
non semel alias ejusmodi raptus ascen-  
susque à terra contigere. Nam cùm ti-  
ronum ageret magistrum, pariter subli-  
mis humo apparuit, quod oculatus testis  
ita narrat: *Exeunte tirocinii mei biennio,*  
*mense Decembri, sabbathi die, Patrem*  
*Vincentium vidi divina patientem, ra-*  
*diiisque cinctum bac occasione. Sacrario*  
*Præfetus eram, *D*ic mihi prescripsérat,*  
*ut statim à novitiorum redditu è campestrì*  
*deambulatione valetudinis *D*ic auræ ca-*  
*ptandæ causa suscepia, ipsum ad facien-*  
*dam rem divinam accerserem. Cùm igitur*  
*revenissent omnes, eius cubiculum adiit,*  
**D*ic fores pulsavi; at nemo respondit. Totæ*

itaque domo illum perquiro, nec invenio.  
Redeo ad cubiculum, & illud audacter  
intro, mihi utique persuadens orationi  
adeo intentum, ut pulsus exaudire ne-  
quiret. Et ecce video illum genibus cur-  
vatis, extantem à terra duorum circiter  
palmorum interiectu, totumque undique  
luce coruscantem. Flexi ego genua venera-  
tionis ergo, remque diu contemplatus, cellā  
egressus sum, prodigium aliis commonstra-  
turus. Interea loquentis vocem audio, iu-  
bentisque me ingredi. Ergo rursus ingre-  
diens stantem invenio amoenissimo vultu;  
cumque renunciasset Novitios eum in sa-  
cello ad missam præstolari, statim adfuit.  
En ipfa propemodum testis oculati verba.

Notitia arcana-  
rum. Alias, idque post nocturni examinis tem-  
pus, compluribus ad ejus januam rerum  
diversarum gratia hærentibus, cum An-  
tonius Beatillus eam pulsasset, nullum  
responsum reddidit Vincentius; sed al-  
tum suspirium: jussisque qui pulsarat in-  
gredi, nec viso, nedum intellecto quâ de  
causâ veniret; ut erat in genuâ provolu-  
tus, hæc pauca dixit. Pater Beatille, non  
babebis crastino commentationem super sa-  
cris litteris, ob supplicationem s. Januarii  
bonori

VINCENTII CARAFÆ. Lib. II. 425  
bonori instituendam. Quo dicto surrexit,  
eumque ad jantiam officiosè deduxit.  
Nimirum, viri sancti, quod nitidos oculos  
habeant Divinitatis speculum contem-  
plando, in quo creata omnia reluent,  
mentium arcana facilè cognoscunt.

---

C A P U T XII.

*Vincentii pietas in Dominum  
IESVM, ejusq; Matrem  
Virginem.*

VT color vivus atque hilaris bonæ Ex vul-  
valetudinis, sic interioris ac sinceræ tu, vo-  
pietatis index est ea quæ foris emicat, ce, litte-  
seu sermone, seu vultu, seu gestu, totius- ris, a-  
que hominis conformatio[n]e. Quemad- mor e-  
modum ergo Vincenntius Dominum liquet  
JESUM ferebat in medullis, sic & fre-  
quentissimè habebat in ore. Erat autem  
ejus ratio de colloquendi melle dulcior,  
affectibus animata distinctaque, adeo ut  
animi æstum deliciasque exprimeret ad  
stuporem audientium. Facies quoque  
tota suavi ardore, oculi læto splendore,  
ipsa totius hominis compositio velut in

D d 5

Deum